



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Finance

Broj: 08-01-05-33063-78/19  
Sarajevo, 12.11.2019. god.

**SKUPŠTINA KANTONA SARAJEVO**  
*-Predsjedavajući Skupštine-*  
**O v d j e**

**Predmet: Odgovor na zastupničku inicijativu, dostavlja se**

Veza: Vaš akt broj: 01-05-33063-78/19 od 27.09.2019. godine

Na 13. Radnoj sjednici Skupštine Kantona Sarajevo, održanoj dana 25.09.2019.god. u okviru tačke Dnevnog reda: "Poslanička/zastupnička pitanja, inicijative i odgovori" zastupnica Jasmina Bišćević Tokić (Klub SDA u Skupštini KS) uputila je zastupničku inicijativu Vladi Kantona Sarajevo, Ministarstvu za rad, socijalnu politiku, raseljena lica i izbjeglice i Ministarstvu finansija koja glasi: „Poštovani, Na osnovu člana 106. Poslovnika Skupštine Kantona Sarajevo („Službene novine Kantona Sarajevo“, broj 41/12, 15/13, 47/13, 47/15, 48/16) upućujemo inicijativu Vladi Kantona Sarajevo, Ministarstvu za rad, socijalnu politiku, raseljena lica i izbjeglice Kantona Sarajevo i Ministarstvu finansija Kantona Sarajevo da obezbjedi sredstva iz budžeta Kantona Sarajevo da se poveća iznos novčane pomoći nakon porođaja ženi- majci koja nije u radnom odnosu i da iznosi 405 KM.

Obrazloženje: Smatramo da je iznos novčane pomoći koji je trenutno propisan nedovoljan, te da Vlada Kantona Sarajevo treba obzirom na iznos budžeta povećati iznos novčane pomoći ženi-majci nakon porođaja koja nije u radnom odnosu.

Tražimo da Vlada Kantona Sarajevo da se u roku od 15 dana izjasni po ovoj inicijativi, a ukoliko se u navedenom roku ne izjasni tražit ćemo izjašnjenje Skupštine.“

**O d g o v o r:**

Vezano za zastupničku inicijativu uvažene zastupnice Jasmine Bišćević Tokić dajemo slijedeći odgovor:

U saradnji sa Ministarstvom za rad, socijalnu politiku, raseljena lica i izbjeglice čiji resor je nadležan za pitanja socijalnih prava dajemo sljedeći odgovor:



web: <http://mf.ks.gov.ba>  
e-mail: [mf@mf.ks.gov.ba](mailto:mf@mf.ks.gov.ba)  
Tel: + 387 (0) 33 565-005, Cent.+ 387 (0) 33 565-000  
Fax: + 387 (0) 33 565-052 i 565-048  
Sarajevo, Maršala Tita 62



U skladu sa članom 156. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" br. 38/14 – Prečišćeni tekst, 38/16, 44/17 i 28/18), novčanu pomoć za vrijeme trudnoće, porođaja i njege djeteta, žena – majka koja nije u radnom odnosu ostvaruje pod uvjetom da ona ili bračni drug imaju prebivalište najmanje godinu dana u Kantonu Sarajevo, odnosno boravište najmanje godinu dana pod uvjetom da imaju status raseljene osobe, a u skladu sa članom 157. istog Zakona novčanu pomoć žena - majka ostvaruje u iznosu od 30 % od prosječne plaće i isplaćuje se u periodu od godinu dana od dana porođaja. (Prosječna plaća, koja služi kao osnov za utvrđivanje novčanih i drugih materijalnih davanja, pa prema tome i novčane pomoći ženi-majci koja nije u radnom odnosu, je prosječna neto plaća ostvarena u Kantonu u prethodnoj kalendarskoj godini pomnožena sa odgovarajućim koeficijentom, a Vlada Kantona svojim aktom utvrđuje visinu koeficijenta, stim da osnov ne može biti manji od onog utvrđenog u prethodnoj godini).

Novčana pomoći ženi-majci koja nije u radnom odnosu povećana je u 2019. godini, nakon 11 godina za 10,00 %, odnosno proteklih 11 godina naknada je iznosila 180,00 KM, a nakon dva povećanja u 2019. godini iznosi 198,00 KM. U 2020. godini planira se novo povećanje novčane pomoći u skladu sa raspoloživim sredstvima u budžetu za tu namjenu. Resorno ministarstvo smatra da sadašnji iznos novčane pomoći nije ni približno dovoljan, za zadovoljenje osnovnih životnih potreba žene – majke koja nije u radnom odnosu. Takođe napominjemo da je u proceduri izrada federalnog zakona o Podršci porodicama sa djecom, a koji podrazumijeva prelazak dodatka na djecu na nivo FBiH, čime bi se stvorili finansijski uslovi da se naknade nezaposlenim porodiljama povećaju, te stim u vezi pozivamo sve zastupnike i političke stranke u Skupštini Kantona Sarajevo da daju svoj doprinos u usvajanju ovog zakona kako bismo što prije mogli povećati naknade nezaposlenim porodiljama.



Dostaviti

1. Naslovu
2. Stručna služba Vlade KS
3. Ministarstvo za rad, socijalnu politiku i raseljena lica KS
4. MF- Sekretar
5. a/a

Pripremile- Avdić Z.  
Moćević, [redacted]



web: <http://mf.ks.gov.ba>  
e-mail: [mf@mf.ks.gov.ba](mailto:mf@mf.ks.gov.ba)  
Tel: + 387 (0) 33 565-005, Cent.+ 387 (0) 33 565-000  
Fax: + 387 (0) 33 565-052 i 565-048  
Sarajevo, Maršala Tita 62

